

續修四庫全書

《續修四庫全書》編纂委員會編

續修四庫全書

上海古籍出版社

八一七・史部・政書類

皇朝續文獻通考四百卷（卷八十六至卷一百五十八）

劉錦藻撰

.....

一

2675/03

皇朝續文獻通考卷八十六

選舉考三 舉士

道光元年吏禮二部軍機大臣會議增改科場迴避各條凡子弟及同族除支分派遠散居各省各府籍貫迴避外其餘雖分居外省外府在五服以內及服制雖遠聚族一處之各本族並外祖父翁婿甥舅妻之嫡兄弟妻之姊妹夫妻之胞姪姊妹之夫嫡姑之夫嫡姑之子舅之父母姨之子女之子妻之祖孫女之夫本身兒女姻親概令照例迴避

又議覆御史程伯鑾條奏順天鄉試中皿士子廣額一摺查南北皿每科定例各取中三十六名遇廣額年分各增十名約計正額三名有奇加廣一名又查近科順天鄉試錄中皿每科中式七八九名不等此次恭逢 恩詔加廣中額所有中皿應請比照南北皿正額三名有奇加廣一名之例如取中在三名以上加廣一名六名以上加廣二名九名以上加廣三名即中數再多總以三名爲率以示限制

又 諭本年八月天氣尙覺暑熱京城內外兼有時疫流行因念貢院中號舍淋隘士子等萃處鬱蒸恐致傳染疾病非所以示體恤今科順天鄉試著展期一月於九月舉行該衙門即行曉諭俾衆咸知

又湖廣總督陳若霖奏查辦苗疆事宜一摺奉 諭苗舉人有願赴京會試者即照本省舉人之例給與公車銀兩仍嚴禁書吏需索俾令踴躍觀光

又 諭據御史奏近日繙譯會試多有槍冒頂替等弊該門御史點名時親友跟役擁擠誼諱不遵約束請派員彈壓等語考試場規理應嚴肅繙譯事同一例何得似此漫無約束嗣後考試八旗繙譯著承辦場務衙門奏請簡派左右翼副都統各一員屆期帶領所屬官兵在點名之處稽查彈壓令士子等魚貫入場如有喧鬧冒混者按例懲辦併著該御史等據實奏奏以肅場規

二年 諭御史邱家煒奏請申禁士子懷挾並查禁坊刻小本書籍售賣一摺鄉會試爲掄才大典有志之士束身自愛何至故犯科條據該御史奏稱近有情人寫成小卷或將坊刻小本書籍攜帶入場甚至有貢院夫役包攬代爲帶

入者殊屬大干功令嗣後著辦理科場及搜檢各官凡遇考試務違科場條例認真查辦不得視為具文亦不得任聽接檢人役有意栽害其坊刻小本講章策略等書著該地方官出示嚴禁以杜弊端至本年鄉試年分邱家煒違例條奏科場事宜著交部察議

又給事中王松年奏同考官隨薦加批一摺奉 諭同考官薦卷順天鄉試及會試向不加批取中後始行補加薦批亦恐啟草率選就之弊嗣後並著分校各員於呈薦之卷將所以應薦之故黏簽加批聽主考官酌定去留俟取中後仍於卷內註明以昭覈實

又大學士托津等會議 內廷考試章程嗣後毋論何項考試在 保和殿考試時於 前左門外唱名 中左門階上散卷 乾清宮考試時於 中左門外唱名門內井亭邊散卷 圓明園正大光明殿考試於 大宮門外階上唱名內橋以南散卷以上考試唱名皆於辨色時令承辦衙門堂官一人帶領承辦司員在彼看視領卷後依次而入不得前後參差仍於 前左門 中左門唱名時令值宿之前鋒護軍統領 圓明園大宮門唱名時令值宿之管理

圓明園八旗官兵大臣稽察彈壓途考人員一名不得闖入至 中和殿階下向有 大門侍衛二十員應將 乾清門階下 出入賢良門階下各添派 大門侍衛二十員管束俟考試人員至階下時皆由 欽派監試王大臣帶領按名次進內列坐監試王大臣侍衛即在 殿門內外嚴密稽察除 乾清宮 正大光明殿係屬 內廷向無 大門侍衛官員進內其 保和殿考試所派 大門侍衛在 中和殿兩旁專察閑雜人等不准進至 保和殿階下其執事人員及承辦各衙門官員除 殿試 朝考日期派有御史在 中和殿階下稽察亦不得進至 保和殿階下外其餘執事人員散題照料事畢即行退出 中左門外總候如有不依次序任意攪越或不遵定制擁擠喧嘩由該衙門承辦堂官及管門之大臣據實指名參奏如進至 禁門有干功令者由監試王大臣立時嚴行參辦一摺奉 旨嗣後宮廷考試著照大學士御前大臣軍機大臣所議章程辦理其唱名散卷並令承辦衙門堂官一人按照議

定處所在彼看視預考人員領卷後依次而入不得前後差違宿之前鋒護軍統領管理閱閱官兵大臣當認真稽察彈壓勿任送考人員闖入如有不遵定制凌轍喧喧者著該承辦衙門堂官及管門之大臣據實指名奏奏其進至禁門有干功令者著監試王大臣即行拿辦以昭嚴肅

又諭孟住等奏請借項生息資助旗籍舉人會試一摺廣東距京遙遠駐防八旗文武舉人進京會試資斧維艱加恩著照所請准其於扣存兵丁馬價存貯藩庫銀內實借一萬兩發商生息遇會試之年每名除例賞水腳銀二十兩零外加賞銀三十兩實贍餘銀積有成數陸續歸還原款年終報部核銷

三年 諭薩秉阿奏請撥項生息賞給旗籍舉人會試等語福建距京遙遠駐防八旗滿洲漢軍文武舉人進京會試資斧維艱加恩著照所請准其於閩海關庫貯平餘罰科截贖三項閒款存銀內撥銀一萬兩發商一分生息遇會試之年每名除照例由藩司給水腳銀三十餘兩外加賞銀四十兩年終造冊報部核銷

又癸未科應舉行大挑於二年七月具奏奉 諭明歲各省舉人屆應大挑之年惟見在各省及河工候補各員人數壅滯所有癸未科大挑著暫緩一科於丙戌科會試後舉行又本年議覆御史佛恩多條奏滿洲蒙古漢軍舉人一體准其大挑今查明歲丙戌科會試後理應遵 旨舉行大挑奉 旨依議又奏准本科會試准至公堂知照臺灣士子實在人數共十一名經本部開單另請 欽定中額奉 旨臺灣取中一名

又 諭朕此次釋奠禮成臨雍講學諸生觀禮循集橋門允宜廣錫恩施以昭盛典著於道光五年乙酉科順天鄉試皿字號卷內廣額十五名用示朕嘉惠膠庠鼓勵人才之至意

五年奉 旨由進士出身之滿漢侍郎內閣學士三品京堂及四五品京堂內未與考試差者俱著於五月初四日在宮內上書房考試其有不願赴考者聽仍向禮部聲明於開列考官本內扣除其已經考試見陞廢事之鍾昌著毋庸再行考試

六年 諭朕恭閱 皇祖高宗純皇帝實錄內載乾隆四十五年 聖諭鄉試為論才大典欲拔真才先清弊竇本年順天鄉試經接檢王大臣奏摺懷挾傳過及頂名代倩不一而足順天科場特派王大臣等於龍門逐次嚴查尚有此等弊竇何況外省稽察揆查斷不能如京師之嚴密乃歷年批閱各撫奏摺均以三場無弊一奏塞責實因模稜市譽不肯認真任怨耳嗣後各省巡撫凡遇大比之期必須實力稽查如有弊端即當嚴加究治等因欽此仰見皇祖遺拔真才諸誥訓誡之至意科場條禁首嚴懷挾誠以始進不正則士習不端弊竇不清則真才不出於論才大有關係鄉會試搜檢王大臣及各省督撫自宜認真釐剔以期拔取人才乃近年各省學政尙有查出挾帶生童交提調懲辦者至鄉會試屆期搜檢王大臣並不認真率以三場無弊一奏了事視為具文不肖士子竟有鈔錄陳文僥倖中式者論才大典與其黜革於後孰若剔弊於先嗣後鄉會試搜檢王大臣及各省監臨等務須破除情面嚴剔弊端認真辦理查照定例不許夾帶片紙隻字一經搜出立予斥革照例懲辦七年議覆大學士兩江總督蔣攸銑奏江南鄉試迴避成例量為變通一摺查科場條例內載乾隆五十三年議准嗣後籍隸江蘇安徽人員見任兩省司道以上等官者子弟親族概不准應江南鄉試等語誠以兩省合考恐入場廉官有迎合上司情弊故定例不准從嚴茲據該督奏請於迴避成例量為變通等語查巡撫兩司統轄全省學政辦理遠才至省城道府首縣本有經理場務之責如係籍隸兩省者遇鄉試時其子弟自應迴避以杜弊端此外如總河僅轄沿河州縣巡道所屬僅有數府州若概令與巡撫等官一律辦理似乎無所區別伏思廉官入場於所轄上司子弟誠恐有囑託等弊至非其所轄之上司平日本無交涉臨時亦不至瞻徇自應量為變通應如該督所請嗣後籍隸江南兩省者除巡撫兩司學政省城道府首縣仍照向例辦理外其總河巡道等官遇所屬開送廉員亦應照例迴避如所屬並無入籍之官其子弟親族應准其一體鄉試俾得就近觀光以廣登進仍請責成監臨於派撥廉員時分別嚴查如有朦混入場者照例治罪

八年 諭我朝掄才取士於定立制科之外復設繙譯科目既以廣八旗士子登進之階亦識不忘本業立法誠爲至善無如近日旗人力學者少轉視科目爲迂途不復勉圖進取即如從前乾隆年間繙譯鄉試滿洲約五六百人蒙古約五六百人本年應試人數計考滿洲繙譯者僅一百三十餘人蒙古繙譯者僅二十餘人人數既較前多寡懸殊取中之卷自係簡拔其尤乃昨日覆試中式滿洲繙譯舉子八名內即有文理欠通錯誤太甚者四名罰令停科其餘未經中式之卷文藝字畫概可想見清語騎射爲旗人根本近日八旗生齒日繁而動學應舉者轉日見其少豈國家設立科目本意特降旨申諭八旗人等嗣後務當父教其子兄誡其弟勤加策勵共效觀摩期於精研本業以備旁求毋負朕諄諄誥誥至意

又禮部奏准順天鄉試正副考官各部尙書兼管順天府尹向係開列嗣後道光二年議准順天鄉試漢監臨開列兼管順天府尹及府尹銜名奏派查該府尹入場監臨所有印信係兼管府尹管理於開列考官自有窒礙見據吏部聲明尙書盧蔭溥管理府尹印信堂街不克開途應請於具題考官本內扣除以重職守嗣後即照此辦理

又 諭本年順天鄉試題本著於初四日具題

十二年 諭鄉會試爲掄才大典必須整肅場規嚴防弊竇方足以端士習而拔真才上年給事中劉光三陳奏科場士子恃衆玩法亟宜嚴加整頓當令大學士軍機大臣會同禮部議覆該給事中所陳十條尙屬周密本年會試屆期立法伊始除知貢舉遵照前降諭旨先期出示嚴切曉諭外恐不肖士子尙未免恃有舊法作奸犯科用再剴切誥諭各省士子務各滋慮洗心恪遵功令點名時魚貫而入毋得仍前混行擁擠如有遲誤靜候補點其不遵約束肆行喧鬧者著彈壓總兵拏究已接獲者不許復出轅門已領卷者不准復出號舍如有侵挾立即懲辦誤帶者雖免治罪仍不准其入場其八旗士子令彈壓副都統親身巡查不准越號並著責成接檢王大臣稽查接談換卷彈壓副都統兩翼在城總兵會試知貢舉遵照妥辦如不實力奉行著監試御史據實指名參

奏本年鄉試即照此次會試一律辦理朕開科取士以備國家任使此日之舉子即異日之考官豈容魚目混珠俾邀錄取一經查出弊竇即嚴懲不貸

又 諭本日據接檢王大臣仁壽等奏頭場接出誤帶四書之直隸生員沈景顏李瑞符文鏡增周福退賈康吉山東貢生賀澄元廣西監生秦紹謙安徽貢生程受易等八名照例逐出又接出攜帶詩文之直隸生員吳思同朱孔彰郭先春石俊庭李會慶生許向辰山東貢生王之城等七名當即斥革枷號示衆辦理尙屬認真近來士習日壞前據科道等條奏防弊之法經朕降旨准行並諄諄誥誥幾於三令五申該士子宜如何懍慮洗心奉公守法乃本科鄉試仍有吳思同等攜帶詩文之事該士子以身試法行險僥倖習爲故常恬不知恥若令其倖得科名通籍後資緣鑽刺更何事不可爲尙望其爲朝廷出力耶從前歷科派出接檢王大臣總以毫無弊竇一奏奏責可見沽名釣譽全不實心任事此次接檢尙屬認真所以鬼域伎倆紛紛敗露而苟且混入者仍所難免三年大比爲士子進身之始即倖而獲選清夜捫心自問豈不可恥本科二三場仍嚴行接檢如有懷挾情弊即一律懲辦嗣後該士子等務須恪遵功令敦品勵行勉爲真才實學毋再存倖獲之心求榮反辱其接檢王大臣及都察院堂官派出科道等總當認真辦理不可日久生懈

又 諭朱士彥等奏二場查出亂號之順天生員陳元暉未經領卷先混入場之直隸生員徐最亭均即逐出辦理尙屬認真向來派出稽察接談換卷有無情弊從未查出具奏可見沽名釣譽討好士子原不以剔釐弊端爲事本年經朕降旨諄諄誥誥此次稽察即有混亂場規之生員二名而苟且混入者仍所難免嗣後該士子等務須恪遵功令毋以身試法求榮反辱其派出之大臣等總當認真辦理不可視為具文

又 諭三載實與爲掄才大典各省主試經朕特加簡任宜如何懍慮洗心認真較閱務求爲國得人順天同考官及會試同考官俱係翰詹科道部屬該員等甲第本高又經朕親加校試尙無荒謬之人充選所以得人較盛各省同考官則年老舉人居多勢不能振作精神悉心閱卷即由近科進士亦不免

經手簿書錢穀文理日就荒蕪各省督撫雖照例考試廉官仍恐視為具文全恃主試按閱落卷庶可嚴去取而拔真才士子握槩使鉛三年大比一經屈抑又須三年考試或竟有終身淪棄者豈不可惜該主試俱係科甲出身試問思未第之先芸窗誦讀與多士何異若祇就舊卷照常挑選而於落卷漠不關情設身處地於心何忍嗣後各省督撫務將廉官認真考校不得以年老荒謬之員濫行充數其典試各員必須將闔中試卷全行校閱不得僅就薦卷取中方為不負委任見屆隨放雲南貴州考官之時剴切詳明特申誦誡倘各省正副考官草率從事經朕別有訪聞即將該主試嚴懲不貸

十三年 諭本日殿試新進士前十本進呈經朕親定已拆開封填寫名次矣其餘二甲三甲進士卷著原派之收掌官四員在內閣嚴密關防并著監試御史各二員每日輪流在內稽查不許豫先宣洩俟二十九日前十名進士帶領引見後再行拆開彌封填寫全榜

又 諭御史劉誼奏請嚴禁直省鄉試積弊一摺直省鄉試為抡才大典必須嚴剔弊端拔取真才如該御史所奏近來州縣調廉入省並不遵照定例徑赴公所往往在外居住以致不肖士子夤緣干謁拜為師生私通關節並賄囑禮房句通內廉收掌書吏豫傳紅號竟將某卷直送某房以便呈薦且該書吏等當未揭曉之先輒窺探消息寄信出闕私相傳播似此積弊相沿殊屬大干法紀士子之夤緣干謁總由州縣之防檢不嚴即書吏之窺探舞弊亦由州縣之轉相賄囑若不嚴行飭禁何以肅功令而拔真才著通諭各直省督撫於明年舉行甲午正科遇州縣調廉入省務令遵照定例選入公所不得在外居住與人交接往來致啟士子鑽營之習如該州縣不知檢束或招致士子私通關節或賄託書吏指認紅號該督撫當不時查察一經發覺即嚴參懲辦至入場監臨之日尤當飭令提調暨內外監試各員慎密關防嚴查弊竇以杜倖進又 諭御史宗廣奏點派考官拆封禁止窺探機越一摺順天鄉試禮部會試點派考官密本向係大學士於午門前拆封眼同稽察御史宣唱名凡不入闕者俱應迴避如該御史所奏近年以來每屆拆封之期竟有未經考差及無

執事閒人混入其中紛紛擁擠殊非慎重關防之道嗣後考官拆封之日著禮部於午門中間恭設黃案為拆封及接收對對之用並責成稽察御史認真查察倘仍有窺探機越等弊即行據實參奏

十四年 禮部奏見纂科場條例擬酌改六條 諭曰禮部奏酌改科場條例六條詳閱單內請將空補權頭者定為罰停二科朕思該士子等草莽新進體例未必盡諸若以無心錯誤概予從嚴殊非愛惜人才之意嗣後中式墨卷有於權頭處空補者仍著照空補字數之例罰停一科

十五年 定順天鄉試中式舉人覆試例

又 諭御史岳嶺南奏請嚴禁科場謄錄積弊一摺鄉會試為抡才大典糊名易書立法至為周密乾隆五十二年嚴定謄錄所防弊規條責成知貢舉監臨隨時查察理宜永遠遵循以除弊竇若如該御史所奏近來科場多有包攬謄錄之人場前議定記號擇其書寫精工者給銀修卷甚至私帶黑墨代改詩文於科名大有關係不可不嚴加防範嗣後鄉會試著遵照舊章責成知貢舉監臨實力奉行嚴飭謄錄各所官員加意查察但有夾帶黑墨代改文字諸弊立即嚴拏究辦倘不認真查察一經發覺定將知貢舉監試一併懲處不貸

又 諭禮部奏鄉試親供解部酌定校對章程各直省鄉試揭曉後中式舉人例應填寫親供與試卷一併送部交磨勘大臣細加校對此大順天鄉試親供已由該部節節順天府尹迅速解部惟各直省程途遠近不一著按照例限上緊嚴催其業經填寫者全行送部以憑送覆勘大臣覈對其實有程途較遠者著迅速飭催填寫送部以次歸入下屆校對如第四次磨勘時仍未送到該學政聲明情節統於會試前期咨送禮部轉送覆勘大臣補行校對至遇有事故不克填寫親供者送經補填解部往往先後不齊所有各直省陸續補送親供屆時毋庸交覆勘大臣即著禮部隨時詳細校對

又 諭御史易觀清奏三場試策請改用律例一道下禮部議尋議國家設科取士責以報稱者甚多不獨在理刑一端若於進身之始先責以名法之學無論勸說雷同無裨實用即真心講貫者亦必荒其本業旁及專家以法律為詩書更

恐揣靡求合之士承迎風旨因緣爲奸士習之不端關防之不密多由於此不可不防其流弊該御史所奏應毋庸議

又 諭鄉會試爲檢才大典士子讀書當知自愛其有因人數衆多微倖亂號以身試法者雖設有號單底簿互相覈對誠恐稽查未清轉不無遺漏舛錯其亂號士子或託人代填或捏寫號名即欲杜絕弊端無從查對事屬有名無實自無容稍存遷就茲據禮部將查號之法遵旨覈議具奏於認真辦理之中立法仍歸簡易嗣後著仍照定例辦理其士子進號既經看棚官役認明卷面字號相符如號數已滿即將號棚鎖閉封門後監臨監試等仍分段入號親查如監臨查號不力責成監試監查號不力責成監臨互相指參毋稍稍有徇庇姑容致滋弊混其八旗號舍即著彈壓副都統親身巡查以專責成士子如有亂號即行扶出設爲時已晚未便開門即將試卷扣除並將該士子交至公堂派員看守俟放牌時扶出其有挺身肆鬧者照例治罪

十七年 諭向來鄉會試大典場內有監臨知貢舉稽查執門貢院門特派王大臣專司接檢立法本極周備近來視爲具文漸行疏懈以致士子紛紛懷挾毫無顧忌此次於士子懷挾雖難保無遺漏幸免而每場均能搜出辦理認真尙屬可嘉嗣後凡遇考試務當認真接檢力除積弊勉副朕拔取真才至意倘意存姑息仍涉因循別經參劾必將派出之接檢王大臣從重懲處其三場接出之江蘇監生慕承勳攜帶書策並非無心誤帶著照例辦理

又 諭前據御史朱鴻條陳科場弊竇各款當交禮部議奏茲據該部查明鄉會試試卷發印後並無專員管理著照所議嗣後均准添派至公堂委官二員專司看守以杜書吏偷改描摹之弊所有該御史所請鄉試增添外收掌一員管理收發試卷之處著毋庸議至會試外收掌事務向由提調兼辦並著照鄉試之例設外收掌一員以專責成其受卷彌封兩所人役承辦事件完竣時由知貢舉監臨隨時查明飭令隨同外展官一併出闈毋許逗遛滋弊至三場事竣酌留委官書吏人等概不准告假出闈其業經出闈者亦不准藉端復入自此次明定章程之後會試責成知貢舉鄉試責成監臨並監試各御史認真查

察如委官書吏等仍蹈前轍別滋事端即行分別參處責懲毋稍寬縱倘意存隱飾別經發覺定將該知貢舉監臨御史等嚴懲不貸

又 諭向來鄉會試年分該部奏請派員磨勘試卷凡文理紕繆筆迹不符均應籤出照例懲辦蓋欲拔取真才必須嚴絕弊端故不得不加以詳慎近來磨勘等官往往意存寬厚僅於字句微疵略加指摘而於文理紕繆筆迹不符等弊或致草率預預例禁一弛倖進多而真才屈甚非朕振興文教之意本年宗室鄉試順天鄉試原卷及中式覆試各卷著派出之磨勘官等公同校閱認真覈對如仍前玩泄視爲具文日後別經發覺惟該磨勘官等是問

又 諭前因鄉會試試卷繁多彌封官四員果否足敷辦理並如何責成知貢舉監臨等稽查酌定處分之處降旨令軍機大臣會同該部議奏稱科場定例監臨總理場務例有稽查之責向無處分即該所官處分亦輕請從重定議等語嗣後鄉會試仍照例用彌封官四員即責成知貢舉監臨擇其年力富強精明幹練者先行派定彌封無須與各所官掣籤以昭慎重並著知貢舉監臨隨時稽查務令遵照定例親自印號不准假手書吏其有漏印條記用印模糊毀與弊竇無關者仍著照舊辦理至錯印紅號有關士子中式者每卷該所官照遺漏外錯例罰俸一年知貢舉監臨失於查察照疏忽例罰俸三箇月三卷以上該所官降一級留任知貢舉監臨罰俸九個月如查有情弊立即嚴參倘知貢舉監臨不行參處別經發覺除該所官照例究治外知貢舉監臨照向例降二級調用上各處分俱不准其抵銷其外簾受卷磨錄對讀收掌各所官著一併責成知貢舉監臨認真稽查以歸畫一並著禮部纂入科場條例永遠遵行

十九年 諭御史陳光亨奏請飭禁內外臣僚競認師生一摺所言甚是鄉會試考官憑文取士中式者感其識拔館等師生尙屬禮緣義起然在官言官在朝言朝斷不可以私廢公至新進士殿試朝考一經館選即與閱卷官認師生已屬非是若京察一等大計卓異者與本官上司認師生是身荷傾權之恩心

感保舉之力受爵公朝拜恩私室其非國家考績求賢之義至近來外省風氣州縣輒與道府認師生府道輒與督撫認師生是以勢利爲結納拜門下者品已不端難保不恃門生之情而專事請託假上司之聲勢相與招搖種種實緣皆由此起又安望其持正秉公各盡職守耶嗣後內外臣工總當守分勵品斷不准藉師生稱謂以爲攀援干進之階至部院大臣及各省督撫等尤當正己率屬以人事君遇有藉端干謁者即行面爲屏斥概不准因循阿卑禮稍事姑容庶屬吏共知敦品用以杜奔競而肅官方

謹案韓愈有言師者所以傳道授業解惑也古之稱師者曰經師曰人師知非若道德能文章者不敢自居先達之列也降至叔世名利中於人心偶經品題便許門下薛瑄謂拜爵公朝謝恩私室蓋已慨乎言之矣

二十一年 諭國家設科取士原以儲蓄人材用備他日棟梁之選該士子等宜如何謹飭自愛勉勵甄陶勿存倖進之心常切懷刑之懼乃近來士習未醇往往懷挾入場冀圖鈔襲本科會試經王大臣等搜出十餘名之多已照例懲辦矣因思士習首重立品文藝次之若於進身之始已存苟且倖倖之心微論事敗權法身壞名裂即使漏網幸得科第厚顏登仕有玷科名植本已虧尙何論其異日居官行政耶每科揀檢王大臣經朕簡派並非虛應故事實欲釐剔弊端如果認真揀查毋任懷挾混入固可轉移風氣且懲一儆百暗中保全尤多此次揀檢王大臣等辦事認真可嘉之至嗣後王大臣等遇有試場節派接檢差使仍當嚴密揀查毋稍疏懈倘有玩法士子即時懲辦以挽頹風該士子等有鑒前車之覆自應恪守場規儼仍估過不悛朕惟執法懲辦

二十三年 諭各省中式舉人自下科始一體覆試

又 諭國家分設八旗兵丁駐防各省立意至爲深遠嗣因生齒日繁披甲名額例有定額勢不能概令食糧當差而各弁兵子弟亦有讀書向上通曉文義者轉其應試以廣進取之階所以造就人才體恤旗僕者無微不至但思八旗根本騎射爲先清語尤其本業至兼習漢文亦取其文義清通便於繕譯乃近年以來各駐防弁兵子弟往往藉於虛名浮華相尙遂致輕視弓馬怠荒武備

其於應習之清語觀爲無足重輕甚至不能曉解朕恭閱嘉慶五年 皇考諒旨各省駐防人等准於該省考試文生原係於伊等格外施恩若事務此而廢棄清語騎射即停止此例不准考試亦屬應該俟清語騎射演習熟練時方准考試等因欽此仰見我 皇考聖慮周詳 訓誡諄諄之至意因思清語騎射全在該管大臣官員等平日盡心訓飭操演而弁兵子弟亦必令藉此進身方能益加奮勉見在武備鄉試各省駐防一體與考應試之人弓馬如果熟嫻不患無登進之路其應文試者必應改試繕譯庶不至專習漢文轉荒本業除本科各省文鄉試仍照例准其應考外嗣後各處駐防俱著改應繕譯考試俾有志上進者咸知非熟習清文不能倖邀拔擢自必爭相磨厲日益精通其各該將軍副都統等尤宜隨時訓練董勸兼施毋得視為具文因循積習以副朕崇實黜浮之意其考試一切章程及繕譯重試進額鄉會試中額應如何酌定之處著軍機大臣會同該部悉心詳議具奏

二十七年 諭從前鄉試迴避士子雍正年間曾於內閣另行考試或將試卷另封進呈派員校閱均係出自 特恩並未著爲定例迨乾隆年間即經先後停止嗣因御史陸朝棟率行陳請願向私常奉 嚴旨將該御史交刑部治罪至嘉慶四年復有御史郭傑長條陳此事經部議准仍奉 特旨駁斥是迴避士子另行考試事屬難行登奉 聖訓昭垂豈容臣工任意遺請祝慶齊見任禮部尙書明知此事早經停止乃因本科迴避士子人數較多獨出己見率行面奏實屬沽名釣譽冒昧瀆陳著交部嚴加議處嗣後鄉會試迴避士子無論人數多少其另行考試之處並著永遠停止

二十九年准各省駐防文舉人見任京官者一體會試

咸豐五年以捐輸軍餉永廣福建臺灣府固籍鄉試中額一名又以捐輸軍餉永廣四川鄉試中額五名又以捐輸軍餉永廣浙江鄉試中額一名

六年以捐輸軍餉永廣浙江鄉試中額二名

七年以浙江捐輸軍餉永廣鄉試中額一名又以捐輸軍餉永廣湖南文鄉試中額四名又以捐輸軍餉永廣河南文鄉試中額二名又以捐輸軍餉永

廣江西鄉試中額二名又以捐輸軍餉永廣山西鄉試中額三名廣東鄉試中額四名

八年 諭前因官文奏湖北紳民於捐餉外自備口糧團練防勦懇請再行加廣文武鄉試中額當交該部議奏茲據禮兵二部會奏該省捐助軍餉業經准加鄉試定額三名此次所請因募勇防勦再行加廣中額之處銀數既無可稽額數何從覈定所有該省紳民應如何酌予獎勵著該督秉公辦理

又 諭前據胡興仁奏官卷中額不敷請於廣額內加中一名當交禮部察覆具奏茲據奏稱該撫所請擬與例意不符等語浙江省本科應試官生僅止二十五名以每二十名取中一名覈計其零數尚不及半所缺之額例應以民卷補中且該省所加中額五名均係永遠定額若撥入官卷加中恐此後相沿竟為官卷定額殊覺過優倘各省紛紛援案聲請不足以示限制惟浙江省見已揭曉如已由官卷加中其中式舉人著毋庸扣除嗣後不得援以為例此後捐輸軍餉加廣中額省分亦不得援照辦理所有違例奏請之浙江巡撫胡興仁並該省正考官寶鋈副考官馬珮瑞均著交部議處

又 諭御史孟傳金奏中式舉人平齡硃墨不符物議沸騰請特行覆試一摺著派載垣端華全慶陳孚恩認真查辦不准稍涉迴護並將摺內所指各情可傳集同考官一併訊辦

又 諭本年鄉試主考官各官荒謬已極覆勘試卷應訊辦查議者竟有五十名之多該考官等朕聞其中亦尙有不敢昧良者除同考官有無情賄逐案查訊外其正考官柏後著先行革職聽候傳訊副考官朱鳳標程庭桂均著暫行解任聽候查辦至此案頭緒紛繁著欽派王大臣等毋得含混了事認真研鞫按例從嚴懲辦

九年 上御勤政殿召見惠親王怡親王載垣鄭親王端華軍機大臣彭蘊章穆蔭匡源文祥內務府大臣瑞麟麟魁文彩存佑文豐尙書肅順全慶陳孚恩趙光許乃普 諭日本日據載垣等奏會審科場案內已革大員並已革職員定擬罪名先行擬結一摺朕詳加披覽反復審定有不能不為在廷諸臣明白

宣示者科場為抡才大典交通舞弊定例素嚴自來典試大小諸臣從無敢以身試法輕犯刑章者不意柏後以一品大員乃辜恩藐法至於如是柏後身任大學士在內廷行走有年曾任內務府大臣軍機大臣且係科甲出身豈不知科場定例竟以家人求請輒即撤換試卷若使新祥尙在加以夾訊何難盡情吐露既有 成憲可循朕即不為已甚但就所供情節詳加審覈情雖可原法難寬有旨念及此不禁垂涎淚柏後著照王大臣所擬即行處斬肅順趙光前赴市曹監視行刑已革編修浦安已革舉人羅鴻輝已革主事李鶴齡均著照例斬決以昭炯戒副考官戶部尙書朱鳳標於柏後撤換試卷案中並未查詢出場後又不即行參奏若照舊例辦理知情隱匿即應治罪即止於失察亦應研訊惟聞其供詞尙無知情弊諒朱鳳標亦不敢公然徇縱從寬即行革職同考官降調編修鄭石麟為已革舉人平齡更換硃卷實屬違例著革職永不敘用其磨勘查出試卷應行查辦之舉人余汝偕等十二名並同考官徐桐鍾琇涂登綱何福成對讀官鮑應鳴應得處分著交禮部查照科場條例定擬具奏至墨卷內更改馬永字樣是否由外廩傳遞之處著原派之監臨明白回奏另片奏催未經到案之謝森墀熊元培李巨華等三名著江蘇巡撫即行派員迅速解京歸案審訊嗣後科場大典秉文衡者皆當潔己虛懷杜絕干請應試士子亦各立品自愛毋蹈貪緣覆轍則朕此次執法嚴懲正為士林維持風氣爾在廷諸臣當能默喻朕衷也

臣謹案科場大典例禁嚴後時賄賂公行恬不為怪尹利始經發覺柏後因成黨營求以科名為餽贈 文宗乾綱獨斷離 朝廷親貴而亦刑人於市與衆棄之非所謂法行自上者與

是年以捐輸軍餉永廣福建鄉試中額十名安徽二名又以捐輸軍餉永廣湖北鄉試中額一名江蘇四名

又 諭何桂清徐有壬奏酌議借閱鄉試事宜開單呈覽一摺本年已未恩科江南文闈鄉試借用浙閩舉行其內外簾一切事宜自應參酌舊章變通辦理除監臨事務前已降旨令江蘇學政孫葆元入闈代辦外其外簾提調著照何

桂清等所擬派令江蘇署臬司蔡映斗屆期隨帶委員赴浙設局辦理仍由浙江撫臣加派見任大員及印委各員幫辦內旗提調及監試等官著由江蘇省酌派道府大員前往內外廉官由江蘇調派其巡查彈壓接檢各武職即由浙江巡撫就近派充至該省鄉試係帶行乙卯正科所有官卷民卷中額均著加倍取中其捐輸推廣之額均歸民卷取中不得加入官卷與考生監考學政於錄遺時通飭各府州廳縣學確實加結詳送以杜弊竇至所稱同考官擬改為十房之處前因張芾奏安徽紳士籲請舉行鄉試業經降旨准其於十月內同江蘇一併借用浙閩辦理試卷既多恐十房不敷分校著該督等酌量添派

又諭前部亨豫奏院省應試士子僅徽州甯國二府廣德一州經禮部奏定例四成取中加額二名茲據該學政奏稱見在應試士子不止三屬著加恩將本年已未科及恩科補行乙卯正科以六成取中五十四名其加額四名全歸本屆取中餘四成三十六名歸入下屆辛酉及補行戊午正科取中又以續捐軍餉再永廣浙江鄉試中額一名又以提督李世忠捐餉加河南鄉試中額三名

又諭前因江南文闈鄉試以軍務未竣兩次停止本年恩榜特開該省督撫奏請用浙省文闈舉行該部議交浙江巡撫察看辦理旋據胡興仁覆奏聲稱號舍不敷恐多窒礙等語朕以江南士子未免向隅復諭令江南浙江各督撫妥為籌畫茲據何桂清徐有壬胡興仁會奏據稱咨商安徽學政該省距浙較遠賊氛未靖且歲科兩試久停士子等未能一律應試擬分別辦理以昭慎重著照所請本年江蘇省鄉試即定於十月內舉行借用浙江文闈辦理安徽省鄉試著俟該省平定地方較多應如何通融辦理之處由該督撫屆時奏請補行

十年 諭禮部題請派繙譯會試提調官一本所有開列揀選司員一員著照文會試之例由該堂官帶領引見候旨揀派並著該部纂入則例永遠遵行又以續捐軍餉永廣廣東鄉試中額六名又以捐輸軍餉永廣江西鄉試中額一名

十一年 諭致仕大學士祁寯藻奏請復各省駐防考取文舉人生員舊例等語各省駐防八旗向來本有可取文舉人生員之例自道光年間改為繙譯將舊例停止原為八旗人員均應諳習國語清文以為本務恐其因考試漢文致有荒廢見在繙譯考試各省遵行已歷有年其駐防八旗中通達漢文積學之士不克觀光誠為可惜嗣後著於駐防繙譯科甲外仍復駐防考取文舉人生員之例均准其鄉會試與繙譯一體錄用以廣登進該駐防八旗人等仍不得以專務漢文致將繙譯國語稍涉荒廢

同治元年 諭本年壬戌科會試場期已近各省來京會試舉人有因道途梗阻到京遲誤未與覆試者照例不得會試惟念該舉人等志切觀光遠道跋涉而來或因經過水陸阻滯並非有心遲誤若照定例不准入場未免向隅所有各省見在到京未與覆試之舉人著加恩准其先行一體會試俟場後再補行覆試其中如有應罰停會試者即由禮部知照知貢舉將該卷扣除並著禮部即日出示曉諭於卷箱未經封送貢院以前迅速辦理俾得同沾嘉惠此係因各省軍務未竣道途多梗用特格外加恩嗣後不得援以為例

又諭向來派閱殿廷考試試卷均於即日閱畢分別等第開單進呈昨派出閱看各省舉人補行覆試試卷之大臣黃楨等於所閱試卷盡日之力直至酉刻尚未閱竟徑行請旨先散因為時已晚不能不姑允所請該大臣等於欽派閱卷例應嚴密何以遲至次日始行閱竣殊非慎重關防之道實瑞瑞常朱鳳標卓保董恂吳存義靈桂石贊清張之萬均著交部議處嗣後殿廷考試派出閱卷大臣仍各敬謹將事將派閱試卷務須即日閱竟以符舊制

又諭考試為抡才大典閱卷大臣均出自特簡理宜悉心校閱慎重去取方足以昭平允况殿廷考試人數無多派出之閱卷大臣每人所閱多者不過一二十卷盡日之長何難詳細校閱本月十五日考試試差人員經大學士賈楨等分別去取呈覽復命議政王軍機大臣詳加覆閱乃張之萬擬取之霍程歡詩內榮字誤寫作榮沈秉成詩句聲喚一輪孤全句費解既經籤出仍復擬取尤非因尋常小有疵累籤出者可比吳存義擬取之張丙炎詩句款字誤寫作

款王發桂擬取之馬元瑞全詩低三格寫實屬違式其餘擬取卷內添註改補以及筆畫小有錯誤未經籤出者甚多因其無關弊竇免其撤去外試思考差各員係豫爲典試衡文之選若令詩句失黏文理費解之員濫膺是選豈能識拔真才該閱卷大臣等如謂有心舞弊尙可料其不敢但卽以此一事而論其不以公事爲重任意草率亦可類推見常 兩宮皇太后親裁庶政該大臣等事事任勞任怨尙恐不足報答 皇考文宗顯皇帝簡用之恩豈可掉以輕心稍存玩忽此次姑免深究嗣後各部院大臣辦理一切公務須振刷精神實事求是方爲不負委任儻再有此等情事則是有心欺罔必當嚴懲不貸

又 諭給事中鍾佩賢奏併科鄉試省分請添派考官等語據稱近來各省鄉試每因軍務停止追軍務平定兩科歸併舉行中額已加一倍更有捐輸廣額不在其內是考官取中之卷幾增倍半而考官猶循舊例仍用正副各一人深恐校閱稍有未周棄取必多未協嗣後凡有兩科並舉者請飭部於本內聲明照順天鄉試之例添派副考官一員伺司衡校等語順天鄉試舊奉各省士子人數既衆校閱亦繁是以向例多派一二員以崇體制至各省人數有定比年以來因軍務停止開有歸併舉行者中額雖多一倍人數並不加增各省主考經朝廷特簡自應悉心衡鑒以期拔取真才何至有校閱未周棄取未協之慮該給事中所請照順天鄉試添派考官之處徒更成法無裨掄才所奏著毋庸議

又 諭禮部奏選議給事中吳焯條陳造就真才悉歸實學請於鄉會試責成考官嚴取真才並出題不得割裂各等語我朝制藝取士人才輩出奉行既久不免有空疏剽竊之弊亟須崇尙實學力挽頹風著照該部所議嗣後鄉會試責成考官詳加校閱頭場四書文以清真雅正爲宗二場經文取其有關實義者若數行成文概棄勿錄三場策問以經史時事分問使貫串古今通達治體者得以敷陳政事得失利弊以及籌餉用兵之道其言果有可採不必責以忌避亦不得繩以小疵庶於由舊之中仍寓實實之意貢士射策原以覘其經濟學問乃近科以來專務繕寫相習成風嗣後著仍遵舊例不必拘以字數最

短者以千字爲率其不及者以不入格論各貢士從容條對不必專事繕寫自可拔取真才士子趨向隨主試爲轉移近日各省考試題目多有割裂太其應試生童途各鉤心鬪角習爲穿鑿支離最爲風俗人心之害嗣後各省學政及府州縣學各官務各恪遵功令所出試題不得割裂小巧牽連無理及詩題引用僻書私集以正文體而培風化遠者照例議處

是年廣湖北鄉試中額四名廣山西鄉試中額一名廣貴州鄉試中額一名廣安徽鄉試中額二名

二年廣廣東鄉試中額一名廣山西鄉試中額二名廣湖北鄉試中額二名三年廣江蘇鄉試中額四名安徽三名廣江西鄉試中額一名廣山西鄉試中額二名

又會國藩奏江甯省城於六月克復定十一月舉行江南鄉試應於九月二十二日請 旨簡放考官從之

五年 諭御史盧士杰奏各省鄉試請飭部先期頒發條例暨增事宜一摺鄉試爲國家抡才大典理宜整肅場規力祛弊竇禮部科場條例本極詳備久經頒發各省一體遵辦乃日久視爲具文弊端百出承辦鄉試書吏往往於彌封等所互相勾串暗通消息若不申明條例嚴加防範流弊伊於胡底嗣後每遇鄉試年分著禮部將科場條例及續增事宜先期頒發各省該提調監試房考官官務當恪守成規力杜關節以副朝廷拔擢真才至意

又 諭御史王師曾奏請停止捐免罰科等語所奏不爲無見鄉會試磨勘覆試定例恭嚴近日章程准以銀兩捐免磨勘覆試幾同虛設殊於政體有礙嗣後文武鄉會試磨勘覆試罰令停科停殿試者概不准援案捐免以肅功令

是年廣浙江鄉試中額二名廣廣西鄉試中額二名廣安徽鄉試中額一名廣江蘇鄉試中額一名廣四川鄉試中額一名

又 諭張亮基奏請省鄉試停科過久請舉行本年丁卯科及補行乙卯戊午兩科一摺向來各省鄉試定例祇准補行一科惟念貴州自軍興以來已逾十載停科最久該處山川險阻籌費艱難該士子等志切觀光自應俯如所請所

有貴州省舉行本年丁卯科鄉試准其補行乙卯科並加恩准補戊午科按照定廣各額併數取中以作士氣

六年廣直隸鄉試中額二名廣廣西鄉試中額二名廣安徽鄉試中額一名廣貴州鄉試中額一名

七年廣河南鄉試中額三名

八年 諭禮部奏遵議左宗棠等奏請補行陝甘鄉試一摺陝甘鄉試前因軍務久未舉行見在陝西全境肅清甘肅之運慶各屬亦已安謐著准其於本年特開一科補行壬戌恩科及甲子正科鄉試陝甘中額向係合併取中甘省軍務未竣各屬士子未能一律赴試自應酌留中額以昭平允著照左宗棠所議辦理恩詔廣額亦著照禮部所議取中

九年 諭桂清奏請嚴密繕譯鄉會試及考試拔貢關防一摺繕譯鄉會試及考試八旗拔貢均係國家掄才大典如該侍郎所奏近日考試繕譯歸併文場關防不能嚴密士子專占一號既不免有代倩等弊且士子十六日出場十八日始行奏派閱卷十七日一日竟無關防亦難保無託情事至考試八旗拔貢卷面雖揭浮籤仍將佐領之名註於旗分之下殊不足以昭慎重著自明年會試起繕譯鄉會試均改復舊制其考試八旗拔貢並著自同治癸酉科為始由部頒發卷面字式永遠遵行

又廣江蘇鄉試文武中額各八名

十一年 諭御史袁承業奏考試弊竇多端請旨嚴禁一摺考試為掄才大典功令森嚴豈容潛滋弊竇若如該御史所奏近年考試教習謄錄各項大半冒名代倩鄉會兩闈並殿廷考試各種弊端亦未盡絕實屬不成事體嗣後中外大小臣工凡與衡文之任者務各精白乃心嚴絕干謁其外簾各官亦應認真稽覈力杜諸弊庶幾者倖獲無由而真才不至掩蔽經此次訓誡之後儻仍敢玩法營私或被入參劾或別經發覺朝廷惟有執法嚴懲決不寬貸

又 諭御史吳鳳藻奏鄉會兩闈請整頓謄錄對讀積弊並請飭逐場校閱各摺片文闕謄錄對讀等官原為除弊而設若如該御史所奏謄錄任意潦草對

讀視為具文此等弊端亟應嚴行整頓嗣後各省監臨知貢舉務當飭令各執事官認真辦理有犯必懲至闈中校閱文藝本應三場並重不得專重第一場此後中外臣工凡與衡文之任者務當逐場校閱拔貢才毋許草率從事十三年 諭本年補行覆試日期較早各省額到之未經覆試舉人不能一體會試未免向隅自應量為變通以示嘉惠士林至意著禮部查明此次如有未經覆試舉人准其先行會試俟會試後再令補行覆試倘覆試時有應行罰科等事仍著該部知照知貢舉照例辦理嗣後各省應行覆試舉人務當及早晉京如期應試毋許任意遲延此係破格加恩嗣後不得援以為例

又 諭鴻臚寺少卿梁曾寶奏磨勘鄉試中卷應議過多請飭申明定例一摺磨勘試卷關繫甚重近來往往視為具文上年癸酉科各省鄉試中卷經磨勘官及覆勘大臣指出疵謬甚多國家設科取士原期甄拔真才豈容以疵謬之文濫竿充數嗣後鄉會試考官務宜悉心較閱認真去取毋得草率從事並著禮部於磨勘時查照向章將科場條例及磨勘處分各條詳細申明認真辦理

皇朝續文獻通考卷八十七

選舉考四 舉士

光緒二十四年 諭我朝承宋明舊制以四書文取士康熙年間曾經停止八股改試策論未久旋復舊制一時文運昌明儒生稽古窮經類能推究本原發明義理制科所得實不乏通經致用之才乃近來風氣日漓文體日敝所試時藝大都隨題敷衍於經義罕有發明而譚陋空疏者每獲濫竽充選若不因時通變何以見實學而拔真才著自下科為始鄉會試及生童歲科各試向用四書文者一律改試策論其如何分場命題考試一切詳細章程該部即妥議具奏此次特降諭旨實因時文積弊太深不得不隨時改變以破拘墟之習至士人為學自當以四子書六經為根柢策論與制義殊流同源仍不外通經史以達時務總期體用兼備人皆勉為通儒毋得競進博涉徒蹈空言致負朝廷破格求才至意

二十七年 諭科舉為抡才大典我朝沿用前明舊制以八股文取士名臣碩儒多出其中其好學者皆潛心經史文藻特其緒餘乃行之二百餘年流弊日深士子但視為取科名之具勸懲靡盬於經史大義毫無發明急宜講求實學挽回積習查近來各省通商智巧日出尤貴博通中外儲為有用之材所有各項考試不得不因時變通以期造就就著自明年為始嗣後鄉會試頭場試中國政治史事論五篇二場試各國政治藝學策五道三場試四書義二篇五經義一篇考官閱卷合校各場以定去取不得偏重一場生童歲科兩考仍先試經古一場專試中國政治史事及各國政治藝學策論正場試四書義五經義各一篇考試差庶吉士散館均用論一篇策一道進士朝考論疏殿試策問均以中國政治史事及各國政治藝學命題以上一切考試凡四書五經義均不准用八股文程式策論均應切實敷陳不得仍前空行剿襲自此大降旨之後皆當爭自濯磨務以四書五經為根本究心經濟力戒浮囂明體達用足備器使庶副朝廷求治作人之至意所有各試場詳細章程及其餘各項考試未盡事宜著禮部會同政務處妥議具奏

臣謹案 國朝八股取士仿自前明物極則變理有固然邇年青衿之士秦半枵腹無論各國政治藝術如墮雲霧即我中國經史大義亦罕有研究及之者輒襲親月不免貽人口實今者含舊謀新特頒 明詔誠能崇實學祛積弊溝通中外蔚為明體達用之成材今而後作人之盛其庶幾乎

二十九年奕劻等奏光緒二十七年四月奉 旨照傳學鴻臚科例開經濟特科著政務處大臣議定考試章程二十八年十月奉 諭著政務處分咨原保大臣及各省督撫分別咨送務於四月以前齊集京師當經恭錄分咨遵照計中外臣工奏保者三百七十餘人其中有見任實缺或充要差為該省督撫奏留不考者見在報到一百二十二人既奉 旨會試後舉行自毋庸再予展限應請 欽定日期 特旨宣示所有考試事宜由禮部查照向章辦理惟原奏係以二場分試策論見就試人少擬略變通以第一場為正場錄取者再行覆試一場均試以論一篇策一道並請 欽命題目簡派大臣校閱進呈恭候欽定等第帶領引 見嗣於閏五月十六日在保和殿考試六月 予考取一等袁嘉穀等九名二等馮善徵等十八名升敘有差

三十年吏部奏定舉貢考職並優貢錄用知縣補缺班次章程三十一一年袁世凱張之洞等奏罷科舉略稱科舉之弊古今人言之綦詳而科舉之阻礙學堂妨誤人才世凱之洞等亦迭經奏陳久在 聖明洞鑒之中無煩縷述是以前奉 諭旨遞減科舉中額期以三科減盡十年之後取士概歸學堂固已明示天下以作新之基而徐俟夫時機之至所以為興學育才計者用意至為深遠等語觀大局熟察時趨覺見在危迫情形更甚曩日而科舉一日不停士人皆有微倖得第之心以分其砥礪實修之志民間更相率觀望私立學堂者絕少非公家財力所能普及學堂決無大興之望就目前而論縱使科舉立停學堂偏設亦必須十數年後人才始盛如再遲至十年甫停科舉學堂有遷延之勢人才非急切可求又必須二十餘年後始得多士之用科舉夙為外人詬病學堂最為新政大端一旦毅然決然舍舊謀新則風聲所

樹觀望益傾軋且刮目相看推誠相與而中國士子之留學外洋者亦知進身之路歸重學堂益將勵志潛修不為邪說浮言所惑顯收有用之才俊隱貶不虞之詭謀所關甚宏收效甚鉅且設立學堂者並非專為儲才乃以開通民志為主使人人獲有普及之教育具有普通之智能上知效忠於國下得自謀其生也其才高者固足以佐治理次者亦不失為合格國民兵農工商各完其義務而分任其事業婦人孺子亦不使閒處而與教於家庭無地無學無人不學以此致富奚不富以此圖強奚不强故不獨普之勝法日之勝俄識者皆歸其功於小學校師即其他文明之邦強盛之原亦孰不基於學校而我國獨相形見絀者則以科舉不停學校不廣士心既莫能堅定民智復無由大開求其進化日新也難矣故欲補救時艱必自推廣學校始而欲推廣學校必自先停科舉始擬請 宸衷獨斷雷厲風行立沛 綸音停罷科舉庶幾廣學育仁化民成俗胥基於此雖然科舉停矣尚有切要之辦法數端學生乃可相維於不敝一在於首重經學也或慮科舉一停將至荒經不知習舉業者未必皆湛深經術但因科場題目所在不得不記誦經文又因詞章敷佐之需不得不撙拾經典故自四書五經而外他經多棄置不觀即五經亦不皆全讀讀者亦不盡能解是何與於傳經今學堂奏定章程首以經學根柢為重小學中學均限定讀經講經溫經時刻不准減少計中學畢業共須讀過十經能通大義而大學堂通儒院均設有經學專科餘如史學文學理學諸門凡舊學所有者皆包括無遺且較為詳備蓋於保存國粹尤為兢兢所慮辦學之人喜新厭故不知學經則雖諸生備諸各種科學亦僅造成一汎濫無本之人才何濟於用應請 飭下各省督撫學政責成辦理學務人員注意經學暨國文圖史則舊學不虞荒廢抑且日見昌明一在於崇品行也查科場試士但憑文字短長不問人品賢否暗中摸索最足為世詬譏今學堂定章於各科學外另立品行一門亦用積分法與各門科學一體考核同視分數共言語容止行禮作事交際出遊六項隨處稽察第其等差考試時亦以該生平日品行分數併計合算亟應聲明定章請 飭各省認真遵辦則人人可期達材成德自不至於越矩僨規一師

範宜速造就也各省學堂之不多患不在無款無地而在無師應請 旨切飭各省多派中學已通之士出洋就學分習速成師範及完全師範兩種尤以多派畢業生員為善並於各省會多設師範傳習所師資既富學自易興此為辦學入手第一要義不容稍涉遲緩一未畢業之學生暫勿率取也各省設立學堂遲早不一程度不齊或學業有期或畢課尚早若不待畢業驟加考試則苟且速成弊將日滋若必待全行畢業則各省之辦學較遲者必至缺其選舉士林又將失望今籌一通融辦法既不同科舉之數衍故事亦不向學堂而選就選登要便取士仍歸學堂之中學堂不蹈科舉之弊擬請此數年內除學堂實係畢業者屆期奏請考試外其餘則專取已經畢業之簡易科師範生予以舉人進士之出身既可以勤教育之員廣教育之基並隱以勵績學而杜倖進外國無速成小中高等各學而有速成師範學具有深意至五年以後完全師範生畢業者已多更足以應選舉而有餘此等師範生皆國文已優學術純謹斷無流弊且多係畢業生員為之本可以得科第之人亦非僥倖迨十年以後各省學堂逐漸畢業人才濟濟更可不窮於用一舊學應舉之寒儒宜籌出路也文士失館生計頓覺除年壯才敏者入師範學堂外其不能為師範生者實而安分則困窮可憫不肖而無賴或至為非生事亦甚可憂擬請十年三科之內各省優貢照舊舉行已酉科拔貢亦照舊辦理皆仍於舊學生員中考取其已錄取 朝考後用為京官知縣等項三科後再行請 旨其已中舉人五貢者入學堂者照章不准應考惟優貢之額過少擬請按省分大小酌量增加分別錄取 朝考後用為京官知縣等項三科後再行請 旨其已中舉人五貢者加兩三倍送京考試凡算學地理財政兵事交涉鐵路礦務警察外國政法等事但有一長皆可保送俟考試時分別去取試以經義史論一場專門學一場共兩場其取定者酌量用為主事書知縣等官如此則鄉試雖停而生員可以得優拔貢會試雖停而舉貢可以考官職正科舉之名專歸於急需之學堂廣登進之途藉恤夫舊學之寒士庶乎平允易行各得其所少長同臻於有用新舊遞嬗於無形矣以上五條皆停科舉後最為切要之端而行之可期無弊

應請一併飭下各省督撫學政切實遵辦至各省學堂未辦者宜從速提倡已辦者宜極力擴充以及各學堂學生之良莠與夫辦理學務人員之功過均應隨時認真考察分別懲勸奉 上諭袁世凱等奏請立停科舉推廣學校並籌辦法一摺三代以前選士皆由學校而得人極盛實我中國興賢育才之隆軌即東西洋各國富強之效亦無不本於學堂方今時局多艱儲才為急朝廷以近日科舉每習空文屢降明詔飭令各省督撫廣設學堂將俾全國之人咸趨實學以便任使用意至為深厚前因管學大臣等議奏已准將鄉會試中額分三科遞減茲據該督等奏稱科舉不停民間相率觀望欲推廣學堂必先停科舉等語所陳不為無見著即自丙午科為始所有鄉會試一律停止各省歲科考試亦即停止其以前之舉貢生員分別量予出路及其餘各條均著照所請辦理總之學堂本古學校之制其獎勵出身又與科舉無異歷次定章原以修身讀經為本各門科學尤皆切於實用是在官紳申明宗旨聞風興起多建學堂普及教育國家既獲樹人之益即地方亦與有光榮經此次諭旨後著學務大臣迅速頒發各種教科書以定指歸而宏造就並著責成各該督撫實力統籌嚴飭府廳州縣趕緊於城鄉各處遍設蒙小學堂慎擇師資廣開民智其各認真舉辦隨時考察不得敷衍瞻徇致滋流弊務期進德修業體用兼該共副朝廷勸學作人之至意

臣謹案董子曰天不變道亦不變而易則曰窮則變變則通通則久何也蓋不能不變者法也而不可變者道也孔子曰殷因於夏禮所損益可知也周因於殷禮所損益可知也因者道也損益者法也光宣之際盛言變法持之有故言之成理固未可厚非也乃變法而並道變之亡無日矣廢科舉與學堂變法之大者也然變其法非變其道當時定議諸臣未嘗不見及乎此故其疏中於重經學崇品行諸大端兢兢注意無如奉行者中無真識盲然惟知從新乃致法變一時而道喪千載固諸臣所不及料也雖然法之不可不變而不可妄變必待其人而後行亦可見矣

三十二年政務處奏定舉貢生員出路章程六條略稱見在科舉初停學堂未

廣各省舉貢人數合計不下數萬人生員不下數十萬人國家以科舉取士士之雋異者咸出其中其次亦多鄉黨自好不乏可用之才中年以上不能再入學堂原奏保送優拔兩途定額無多不免窮途之歎方今捐例未止保案尚多該舉貢生員等非研經已久即積學多年似較捐保兩途造就尚易如能量材器使加以磨礱未始不可收拔十得五之效臣等謹將舉貢生員出路詳酌妥議有為新章所已行有為成例所原有稍示變通仍予限制其原奏保送一條各省仍應遵照辦理至該貢等分發外省既有到省甄別之條又有入法政學堂肄習之案擬請 飭各督撫認真辦理以期澄汰庸瑣成就廉能庶於掄才取吏之道均有裨益謹擬寬籌舉貢生員出路章程六條一酌加優拔貢額查優拔貢向皆由優等生員取錄兼甄文行所得人才較多自應量予加取以廣甄拔擬請已酉科舉行拔貢照向額加倍考取本年丙午即係取優貢之年以後三年舉行一次各省均照例額加四倍考取歲貢並准照原額倍取以惠寒峻均於壬子年考優後一律停止學堂學生仍照原奏不准與考一考用膳錄查管學大臣遞減科舉原奏本有多挑膳錄之請上年吏部奏准考取膳錄各部書吏漸次裁汰清緒文讀需人必多擬仿吏部辦法推廣各部院衙門均令考用膳錄幫補公廩舉人五貢生員分為三等酌給津貼二年後分別獎敘准以實官分發其舉人拔貢優貢充考膳錄當差期滿並由該堂官擇尤奏請改用七品小京官在部行走俾昭激勵一已就揀選舉人准令報捐分發免交補班銀兩查定例舉人近省三科遠省一科以上者皆准就揀選以知縣註冊惟揀選並無班次見在科舉既停近省舉人並有未能註冊者擬請嗣後各省舉人不必限定三科均准以揀選知縣註冊並由吏部酌定班次選用其中中式已過十年有願分發到省者令交分發銀兩即准分省試用各項貢生就職照此辦理一截取舉人請毋庸再用教職查舉人截取向用知縣教職兩途科舉停後專重學堂教官事務愈簡上年吏部奏准裁去復設一缺擬定選班以師範生開補截取教職得缺無期查直隸州州同及各項鹽庫大使或為舉人應得之官或為大挑知縣借補之職擬請嗣後截取舉人除用知縣外兼用直隸

州州同鹽庫各大使以廣登進其截取舉人已奉 旨以知縣用者並請准其隨時分發毋庸扣限俾及時效用至恩拔副貢生向例准以直隸州州判就職註選而歲優兩貢不與未免向隅且直隸州州判額缺甚少殊覺擁擠並請量加推廣凡五貢均准一體以按察鹽運使經歷散州州判府經歷縣丞分別註冊選用如捐交分發銀兩即准分省試用一生員考職查管學大臣遞減科舉摺內生員准比照已滿吏考職用爲佐貳雜職分發試用之語又定例貢監考職皆令來京考試惟各省生員多係寒士概令來京殊不足以示體恤且人數過多宜加限制擬除年輕諸生應挑入學堂及見充各學堂教員見入師範學堂見送出洋游學各生外其餘生員均於考優貢之年准令各州縣會同教官遞選保送由各督撫會同學政認真考試取其文理暢達事理明晰者大省取一百名中省取七十名小省取五十名其保送人數約照取額十倍毋得過溢每州縣應送若干名由該督撫等分別酌定先期飭遵取定等次將所取各生姓名三代年貌造冊咨送吏部一等以巡檢用二等以典史用分別註選如願捐分發銀兩者並准分省試用亦截至壬子年止以示限制一每科會試中式之貢士有未經覆試者有覆試後未應 殿試或朝考者向例於下科補考今科舉既停擬請准令該員等取具同鄉京官印結赴吏部呈請已經覆試或殿試者即開列所考等第甲第名次帶領引 見恩 恩給予出身分別錄用未經覆試者亦請查照新章免其覆試引 見錄用其已免覆試之舉人並請一體准其照例就揀以免向隅

又學部禮部奏准見在學政專司考校學堂事務不隸禮部其從前之貢士舉人恩拔副貢並歲增附生例貢監生考試引 見解卷行文以及改籍更名就職報捐一應事宜統由禮部仍照例章分別核辦至由學堂出身之進士舉人侵拔副貢歲增附生暨出洋游學畢業生並國子監歸併學部後在學部領照之監生考試引 見解卷行文以及改籍更名就職報捐一應事宜統由學部查照新章分別核辦

又禮部奏本年政務處奏准覈舉貢生員出路其第五條章程內開管學大

臣奏遞減科舉摺內聲明生員准比照已滿吏考職用爲佐貳雜職分發試用等按照原奏覆加細釋查舊學生員除挑入學堂及見充教員出洋游學並緣事註銷業經出學各省不准保送外其餘人數多寡不同應由各督撫飭令各州縣會同教官酌量保送不得時輕時重以免偏枯俟優生考畢在省舉行學政見已裁撤擬由提學使分爲兩場局門考試頭場試以經義史論各一篇二場試以時務策兩篇如有長於算學輿地財政兵政交涉鐵路礦務警章外國政法等事俱令於頭場前赴提學使司報明於二場試以專門題目合校兩場以定去取試卷即照科歲考試酌加篇頁嚴密密封取定後將試卷呈送督撫核辦並造具各生姓名三代年貌清冊分送吏禮兩部試卷即隨優貢卷解交 部俾昭慎重

又奏保送舉貢事屬初辦各省道途遠近不一若非先立標準未免無所適從等細釋查世凱等原奏所請三年一次仍係規仿三年大比且意在疏通舊學其考試年分及起送赴考各節自應查照會試舊章參酌辦理惟會試中額向由 部開應屆比較單奏請 欽定此次加額保送擬請以二十四年戊戌科 欽定會試中額爲斷於本額外再加三倍以廣登進至原奏統貢舉貢實則核計各省舉貢堪膺保送者究屬舉佔多數貢居少數擬以舉四貢一分別計算宗室由宗人府八旗由都統各省由督撫按照原奏遞選長於算學地理等科如額保送造具年貌籍貫科分清冊於年內咨部並分給該舉貢等咨文統限明年二月到京親齎投考屆期再將考試章程另行具奏

又學部等奏 部奏准考驗游學畢業生自本年始每年八月舉行一次見據各省咨送應考學生陸續到京亟應議定考驗章程以憑辦理查上年考驗游學畢業生因其時科舉未停學部未設按照鄉會試覆試之例奏請在 保和殿考試本係一時權宜之計見在科舉既已停罷又值 朝廷綜核名實之時自應妥議章程悉心考驗等詳考外國制度大都學成試驗與入官考驗分爲兩事而條理實相貫通 部此次考驗游學畢業生即各國學成試驗之意擬酌照奏定分科大學畢業及高等畢業章程由 部會同 欽派大臣按照